



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-139-4/23**

Datum: **05.05.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica JP „TOPLANE“ d.o.o. Banovići za donošenje rješenja o vodnoj dozvoli za ispuštanje tehnoloških otpadnih voda iz pogona za proizvodnju i distribuciju toplotne energije za grad Banoviće, izgrađene u ulici Željeznička bb, općina Banovići, na osnovu člana 109. stav (1) tačka 2 Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu JP „TOPLANE“ d.o.o. Banovići, daje se vodna dozvola za ispuštanje tehnoloških otpadnih voda iz pogona za proizvodnju i distribuciju toplotne energije za grad Banoviće, izgrađene u ulici Željeznička bb, općina Banovići, na zemljištu označenom kao k.č. 1588, 1585/1 i 2025 K.O. Grivice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice JP „TOPLANE“ d.o.o. Banovići, obezbijedi da se sistem za prikupljanje, prečišćavanje i ispuštanje tehnoloških otpadnih voda i objekti izgrađeni u krugu pogona za proizvodnju i distribuciju toplotne energije za grad Banoviće, izgrađene u ulici Željeznička bb, općina Banovići, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se do 30.07.2023 godine, izvedu radovi na sistemu za prikupljanje, tretman i ispuštanje tehnoloških otpadnih voda u skladu sa Glavnim projektom vanjskog uređenja, odvodnje i tretmana sanitarno-fekalnih i oborinskih otpadnih voda proizvodnog pogona pravnog lica JP „TOPLANA“ d.o.o. Banovići, septembar 2012 godine, urađen od strane JP „SPRECA“ d.d. Tuzla.
 - 3.3. Čišćenje taložnika, separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa prilogom 17. tabela 1. Kolona 3. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.6. Ukoliko Vlada Tuzlanskog kantona propiše dodatne (strožije) uvjete od uvjeta definisanih u prilogu 17. tabela 1. Kolona 3. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.7. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.8. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
 - 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.11. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik predmetnog objekta, JP „TOPLANE“ d.o.o. Banovići, je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta poslovnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se realizacija aktivnosti obuhvaćeni tačkom 3. dispozitiva rješenja u cjelosti poštuje.
 11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice JP „TOPLANE“ d.o.o. Banovići, zahtjevom broj: 04-216/2023 od 03.04.2023 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz pogona za proizvodnju i distribuciju toplotne energije za grad Banoviće, izgrađene u ulici Željeznička bb, općina Banovići, na zemljištu označenom kao k.č. 1588, 1585/1 i 2025 K.O. Grivice .

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjeni podataka upia u sudski registar broj: 032-0-Reg-23-000350 od 17.03.2023 godine izdat od strane Općinski sud u Tuzli-ovjerena kopija,
- Uvjerjenje o poreznoj registraciji izdato 01.11.2010. godine, od strane Porezne uprave – Kantonalni ured Tuzla-ovjerena kopija,
- Rješenje o urbanističkoj saglasnosti broj: 05/1-23-1262/14 od 29.09.2015 godine izdato od strane Službe za prostorno uređenje, stambeno komunalne poslove Općina Banovići,
- Rješenje o građevinskoj dozvoli broj: 05/1-23-206/16 od 04.10.2017 godine izdato od strane Službe za prostorno uređenje, planiranje, razvoj i poduzetništvo, Općina Banovići,
- Rješenje o urbanističkoj saglasnosti broj: 05/1-23-1940/17 od 11.08.2017 godine izdato od strane Službe za prostorno uređenje, planiranje, razvoj i poduzetništvo Općina Banovići,
- Rješenje o odobrenju za građenje broj: 06/1-23-2300/17 od 18.08.2017 godine izdato od strane Službe za prostorno uređenje, planiranje, razvoj i poduzetništvo Općina Banovići ,
- Rješenje o vodnoj saglasnosti broj: UP-I/25-2-40-731-2/12 od 04.01.2013 godine izdato od strane Agencije za vodno područje rijeke Save, Sarajevo,
- Rješenje o vodnoj dozvoli broj UP-I/25-3-40-589-6/17 od 07.17 godine izdato od strane Agencije za vodno područje rijeke Save, Sarajevo,
- Kopija uplatnice administrativne takse,
- Rješenje o okolinskoj dozvoli broj: UPI 05/02-23-11-208/17 SN od 04.04.2018 godine, izdato od strane Federalnog ministarstva okoliša i turizma,
- Zaključak o ispravci greške broj: 05.1-23-1262/14V Od 20.01.2016 godine, Služba za prostorno uređenje, stambeno komunalne poslove Općina Banovići,
- Obavijest o produženju roka broj 12/1-11-004556/23 od 03.03.2023 godine od strane Ministarstva prostornog uređenja i zaštite okolice Tuzlanskog kantona,
- Zahtjev za produženje roka broj: 04-337/23 od 28.04.2023 godine prema Ministarstvu prostornog uređenja i zaštite okolice Tuzlanskog kantona,
- Odluka o izboru ponuđača za izvođenje radova broj: 01-342/23 od 27.04.2023 godine,
- Izvještaj o monitoringu kvaliteta i kvantiteta otpadnih voda broj: 36/23, januar 2023. godine urađen od strane „Inspekt -RGH“ d.o.o. Sarajevo,
- Uvjerjenje broj 07-224-2/23 od 24.03.2023 godine izdato od strane JP „Vodovod i kanalizacija“ d.o.o. Banovići,
- Izjava o roku izvođenja radova broj: 04-353/23 od 04.05.2023 godine od strane podnosioca zahtjeva JP „TOPLANE“ d.o.o. Banovići,

B. Tehnička dokumentacija

- Glavni projekat vanjskog uređenja, odvodnje i tretmana sanitarno-fekalnih i oborinskih otpadnih voda proizvodnog pogona pravnog lica JP „TOPLANA“ d.o.o. Banovići, septembar 2012 godine, urađen od strane JP „SPREĆA“ d.d. Tuzla.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-139-2/23 od 28.04.2023. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija na kojoj je izgrađen objekat „TOPLANE“ d.o.o. Banovići se nalazi u ulici Željeznička bb, općina Banovići, instalisane snage 11,63 MW, na zemljištu označenom kao k.č. 1588, 1585/1 i 2025 K.O. Grivice. Udaljenost predmetne lokacije od rijeke Draginje je cca 150 m.

U krugu predmetnog kompleksa nalaze se sljedeći sadržaji: objekat stare toplane koja nije u funkciji, objekat nove toplane sa pratećim sadržajima (administrativne prostorije sa sanitarnim čvorom, bunker za ugalj, kotao, ciklon ventilator, jonoizmjenjivačka stanica, kompresorska stanica, bravarska radionica, ispodkotlovsko postrojenje, transporter) depo/plato za skladištenje uglja, plato za deponovanje šljake i pepela.

Osnovna sirovina a ujedno i energent za proizvodnju toplinske energije je mrki ugalj iz RMU Banovići. Potrošja uglja po sezoni iznosi cca 6000 t/sezoni.

Toplana Banovići se vodom za sve potrebe snabdijeva iz gradskog vodovoda. Mekšanje vode se vrši preko jonoizmjenjivačkih kolona sa tabletiranom soli.

Mjesta na kojim nastaju tehnološke otpadne vode su: sa platoa za deponovanje šljake i sa depoa uglja, vode koje nastaju usljed hlađenja dijelova kotla, kondezovanjem viška vodene pare, od hlađenja šljake vode nastale usljed remonta kotlovskog postrojenja i njegovog ispiranja.

Tehnološke otpadne vode od hlađenja kotla i one nastale kondenzovanjem pare u samom kotlu se ponovo vraćaju u sistem proizvodnje i distribucije pare.

Tehnološke otpadne vode nastaju u sa platoa za deponovanje šljake i sa depoa uglja pod uticajem oborina. Na predmetnoj lokaciji nije urađena separata kanalizacija. Tehnološke otpadne vode iz sabirne jame gdje se prikupljaju otpadne vode sa depoa uglja se prepumpavaju i zajedno sa tehnološkim otpadnim vodama od hlađenja šljake i oborinskim vodama, bez tretmana, ispuštaju u otvoreni kanal sa ispustom u rijeku Draganju.

Šljaka i pepeo sa predmetne lokacije se odvoze na deponiju kao kruti otpad a prema sklopljenom ugovoru sa JP „Komunalno“ d.o.o. Banovići.

Podnosilac zahtjeva je pribavio građevinsku dozvolu za izvođenje radova na vanjskom uređenju, odvodnji i tretmanu sanitarno-fekalnih i oborinskih otpadnih voda proizvodnog pogona pravnog lica JP „TOPLANA“ d.o.o. Banovići.

U izjavi broj: 04-353/23 od 04.05.2023 godine od strane podnosioca zahtjeva JP „TOPLANE“ d.o.o. Banovići je navedeno da je donesna odluka o izboru izvođača radova na realizaciji projekta vanjskog uređenja, odvodnje i tretmana sanitarno –fekalnih i oborinskih otpadnih voda te da će je rok za izvođenje radova 45 dana od dana potpisivanja ugovara odnosno 30.06.2023. godine. Imajući u vidu činjenice navedene u izjavi propisan je rok u tački 3.2. ovog Rješenja.

Glavnim projektom vanjskog uređenja, odvodnje i tretmana sanitarno-fekalnih i oborinskih otpadnih voda proizvodnog pogona pravnog lica JP „TOPLANA“ d.o.o. Banovići, septembar 2012 godine, urađen od strane JP „SPREČA“ d.d. Tuzla, obrađeno je prikupljanje, prečišćavanje i ispuštanje svih otpadnih voda sa predmetne lokacije i to kao separatan sistem. Odabrano rješenje za tretman tehnoloških otpadnih voda je taložnik, a potom separator ulja i masti.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka c) i članova 21., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva JP „TOPLANA“ d.o.o. Banovići, ispunio minimum uslova za izdavanje vodne dozvole za ispuštanje tehnoloških voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:-

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- „TOPLANE“ d.o.o. Banovići Željeznička bb, Banovići (Prilog: Tehnička dokumentacija navedena pod tačkom B obrazloženja Rješenja).
- ⊖ AVP Sava, ISV-vodna knjiga
 - Org.jed. 50
 - Org.jed. 40-arhiva
 - Oglasna tabla AVP Sava Sarajevo